

大方廣佛華嚴經疏卷第五十三

五十七 經

唐清涼山大華嚴寺沙門澄觀撰

第三十種習氣下五門明三地中行分二前  
二門明能起厭行後三門既所起厭行前中  
二此門明熏習成氣後門增盛攝取今初由  
廣三此地厭伏煩惱故於諸行積集熏成氣分方  
能究竟斷伏煩惱故名習氣千中一行本氣  
二成行氣三下化四上見五受生六大行七  
十願八十多度九理智十量智二十種取者明  
增盛攝取故晉經名熾然由前積習愛樂得

增長故第二十種修下三門明所起厭行即  
分爲三此門正顯修行前八修因後二修果  
第二成就佛法明修成勝緣依託此十能成  
就故三十種退失明修行離過別舉十過  
總令遠離文亞可知第四離生道下五門明  
四地中行分三初此門明清淨對治修行增  
長因次門明其清淨後三門明對治修行增  
長今初前三地寄同世間有見等惑猶如生  
食在腹四地寄同出世對治清淨能離彼生  
謂離有爲行故得無生故顯行純熟離生溫

故廣如婆沙今是彼清淨對治之因故名爲道地經有十法明門初是觀察衆生今但廣斯一句餘略不具結云不雜二乘者以於十句雙行而修故不同二乘見道離生矣第二決定法者明其清淨上明能離今顯所得以得出世決定法故故彼文云得彼內法生如來家十中前五自分後五勝進第三出生佛法下三門明對治修行增長於中分二先二門明修行增長後一門明修行對治今初亦二此門正明增長後門顯立勝名今初從緣

出生即增長義亦猶出息增長其多十中初二順人信法次二願智不虛次二時處廣長次二無間普偏後二勝行攝生二丈夫名號即立勝名由德行內增故嘉名外立十中前四從境立名五六約當體受名上皆自利七八利他九通顯勝具二利故上皆自分因名後一勝進果稱上皆隨德假名故瑜伽四十六明菩薩隨德假名有十六種初名菩提薩埵十六名爲法師顯揚第八莊嚴論十二皆同此說又商主天子經五義立名恐繁不會

庚三

第二有十種道明修行對治地經寄位廣明  
三十七品今約實位故增數顯十皆爲對治  
並是正道十中前二後一名義皆不共三道  
則名義俱共四道至九名共小乘義唯實教  
前三可知言義唯實者故四行云善巧迴向無  
休息故五根定根知三昧入出六通天眼見死  
此生彼七六念成七加念衆生爲大悲故亦是  
廣七覺中一念覺故餘例此知八正思惟順一  
切智九次第定皆寂用雙行初禪離欲恚害而  
遯化衆生亦用欲等言說故云一切語業二禪

雖無覺觀不壞淨覺以爲說因三禪離喜而  
生法喜四禪離樂而受解脫道樂從此不下  
明四無色定但總相顯勝雖住滅下即滅盡  
定此定雖盡滅諸不恒行心心所法及滅恒  
行染汙一分而以厭患思想受爲先故名滅想  
受定由非想地猶有細想是捨受故今實教  
明即受等性滅故不息苦薩行是以七地云  
威三  
能念念入亦念念起等餘如三地及七地中  
辨十力中六徧一切下是一切至處道智八  
是天眼九是宿命今三世悉知況乎宿命餘

如初會中辨第五無量道下二門明五地中行分二此門明勝慢對治中行後門明後二分中行今初分二先總標四門以此四門同顯道義義皆無量類例相從故總標之約義須分故後二屬後二從佛子下別明初門謂十平等心及隨如道行皆是菩薩正道所遊路故以觸境皆如道無不在況虛空等十一無量道豈有涯十中前四各一無量後四皆佛界無量語言亦屬衆生亦是調伏界無量劫數即豎論無量餘七橫論無量虛空亦

橫亦豎法界非橫非豎虛空法界約無分量餘八廣多無量兼無分量二無量助道即不住道行勝及彼果勝中行以智契如是謂正道萬行資緣皆爲助道此二合行名不住道今以圓融之修無不契如並爲正道皆互相資並爲助道故舉虛空等十不異前章然正道不隨事轉同稱無量助道隨事故隨所等事名無邊無盡等第六無量修道一門明六地中行般若現前爲真修故無去來等即十平等等故十中前四即勝慢對治中行攝十

平等後六即彼果勝中行不住道行勝十種  
觀緣彼已廣故此略不明四中前三約法後  
一約喻法中彼從別義開成前八今總明之  
一不起心二稱本性三遣修相亦可配三性  
成三  
三無性如理思之四舉七喻通顯無著後六  
四  
中五雖證三空而集福德六不著教法不可  
說者理圓言偏言不能詮故無言說者性無  
言故離言說者忘言方會故七不壞事法界  
八不壞真如理九總明權實之智故力無盡  
上皆自分修十即勝進修第七莊嚴道下三

門明七地中行分三初門明權實雙行次門  
明念念進趣後門取授自在今初即彼地中  
樂無作行對治十種方便智及雙行果發起  
勝行中行以權實交飾故曰莊嚴列中前五  
自行無染次四隨有攝化一無染而化二處  
正入邪三持犯權實四人法權實十總顯因  
果權實於中三初因圓示缺示現受生是因  
未滿故次與三世下同果境界而不捨因因  
有十句行通二利法即教法業謂利他道謂  
正智儀謂制聽取即願求巧謂權實上皆所

作事總語因體生成用者即因成大用住持力者長用不絕後何以下徵釋可知二十足明念念進趣行即彼障對治中修行無量種及雙行分中菩提分差別等十中初二約行一戒二進次二約通一總二別次二約心一願二誓次二約法一順二持後二約德一演二伏三十種手明取授自在行即雙行分中能作大義十中初一約取謂念念中修習一切佛法向佛智故餘九約授於中前五明四攝一布施二愛語三四皆利行五即同事共

成三

五

一手作而拔出故後四即四家一苦清淨故二示諸諦故三般若力故四捨煩惱故第十腹下三門明第八地中行以內證無生故皆約內事明內德圓滿即分爲三初門明舍容清淨德即彼集地分中無住道清淨等故及淨忍分中得無生故亦是得勝行分中離一切貪著等故世人之腹多含穢惡今此十中前六後一明惡無不離七八九三明善無不積若能如是凡即佛腹二有十藏前總舉其腹今別明玉藏由得勝行諸佛勸起一念

出生舍攝成熟無量德故十中初三出生三寶次三成熟三聚邪定亦有佛性爲未來因故起悲爲緣涅槃云一闡提人雖復斷善由佛性力未來善根還得生長即其義也後四攝授佛果最後即一切智也三有十心即五

藏之一最爲勝故五藏主故即此地能成諸善無功用心前初地中明心梵云質多即慮知心對身口故今此梵云纈刹陀耶此云肉團心對餘藏故十中前六自利於中初二攝善一勤二策次二破惡一破緣二破因次二

成行一堅二淨次二攝生心一智令悟二慈拯救大梵住即四無量後二成德一深二固第九被甲下二門明九地行法師入有備外嚴故初門明入地十心如被甲防內將趣入故十句可知二十器仗器仗破外以住地心窮十稠外無不破故十中前五順仗破障次三違仗破障如令賊破賊故次一非順非違仗如以良謀不用兵仗無不破故後一切成立德仗第十一種首下十三門明十地行十地德圓故寄六根四儀業用明之且分爲

成三

六

三初一總標德首次六六根勝德後六四儀成規今初居受職位首出衆聖故十中初三果首次三標之以因釋之以果後四直明行首第二十眼下六門明六根即分爲六初明十眼者即大盡分中如實知見一切法故十中前五名同諸教而體用不同諸宗肉眼見障內色故智論三十七說肉眼見近不見遠見前不見後等天眼方見遠等仍有分齊今肉眼見一切色已過二眼故四十四自指云不思議經應見遠此中不說然天眼是假知

合不見實相今明見心即似同於彼然心通性相則亦不同此中慧眼似彼法眼此中法眼似彼慧眼所以互者以彼慧眼不能見衆生盡滅一異不能度生今顯實過權反此明能彼中法眼雖知於法不能徧知衆生方便道今反此故明知一切意欲異權故耳成三彼佛眼細無不知今舉勝況劣又十力無不該故後五中智眼見事即法眼開出光明眼通身智光義兼法慧出生死眼者然涅槃不可見絕見方見見圓寂故無礙眼者總見諸眼境

皆無障故此即一眼具多爲不壞相故須列  
十眼一切智眼即是普眼非但見法界重重  
亦乃法界即眼故爲普門故知十眼全以無  
礙法界而爲其體若辨次第以肉眼見生受  
苦次以天眼了知其心次別知根境次引入  
如實次令得佛力次尋光而見次同歸寂滅  
後等同法界餘如別章二十耳者然眼等六  
根由得解脫神通無上見聞觸等皆自在  
故總就行辨此門亦即釋名分中聞持如來  
大法雨故初二離順離違次二棄小欣大次

二愍苦獸樂次二滿果圓因後二了俗同真  
悲智俱運三有十鼻艱行香故於中初四聞  
香體俱舍有四總名爲香一好香謂沉檀等  
二惡香謂葱韭等三等香四不等香謂於前  
二增益依身名爲等香損減依身名不等香  
故亦不離好惡今此中俱聞聞其上二更無  
別體非香非臭對前成三謂如柴炭等次三  
聞香表用瑜伽等中上二界既無鼻舌二識  
亦無香味二塵語其無麤此聞有頂香者明  
其聞細菩薩力故又有頂言餘處多明是色

究竟準晉經中聞非想香則有頂言亦是三  
有之頂既有通果之色亦有通果之香後三  
聞出世人法四有十舌演法味故下三爲成  
六根非顯三業三業前已有故十中前五約  
威三辨顯德後五約用十降四魔魔即天子魔生

即蘊魔故五有十身隨行成身故六有十意  
初一總餘九別文並可知第三六門明四儀  
動止行一行者動遊行法故於中令轉還者  
轉有漏定還無漏故不斷生死者若斷非真  
涅槃故餘可知二十種住者止息散動故前

七自分住後三勝進住三坐者多時安處故  
初四世坐以攝物後六法坐以成德四十卧  
者放捨身心合法體故十中初三顯定一加  
行調身心二習修三得定餘七定益亦兼餘  
善然其十事各同臥之一義初三後二可知  
四獨已臥故五離尸伏故六離依倚故七思  
明相故互警覺故八右脇臥故五住處者智  
有棲止之所以前明能住此辨所住十句可  
知六所行處前辨能行此明所行於中初四  
自行一依四念阿難四問佛令依住今辨依

行餘可思準十地行竟大文第六十觀察下  
五十一門答上因圓果滿若剋實而論成如  
來力下四門方明果滿前皆因圓以八相前  
五猶屬因故爲明八相皆示現故通入果中

威三  
即分爲二初三十二門明因圓究竟即等覺

位後十種住兜率下一十九門明現果圓滿  
行即妙覺位前中分三初一十四門明因行  
體性二十種義下八門明方便造修三十種  
魔下十門明因行除障初中二初四門起行  
方便二十種施下十度行體前中三初二門

意業觀察次一門身業自在後一門語業宣  
暢前中初觀察者解方便故達通塞故於中  
初二觀所化次四觀能化法謂理果教行後  
三觀位一起劣二得位三同果用二普觀察  
者審慮周徧故前六以六度治六蔽衆生後  
四雙明二利謂順人證法下化上成二身業  
自在中謂實德內充威德外溢如師子王奮  
迅威勢更有異釋如法界品辨於中前五寄  
喻次四約法上皆自分後一勝進三師子吼  
者既勇健無畏則能決定宣唱二中令物度

苦脫集安道證滅故餘並可知

已下五經第十八

第二十種施下十門明其行體於中光明六度後顯四等十度之義已如前釋皆言清淨者離蔽障故不同世間施戒等故然皆寄十表圓各爲一義與九三施等開合不同若具會釋

恐狀繁文故隨顯直釋今初十施者一無向背施即清淨施中別義二遂求施三二世樂施梵本中名應時及濟難不失益故餘七皆一切施四即觀其可不有損不宜等極貧下者應先施等五不希異熟亦清淨施六亦難

行施所愛重物無戀著故七内外財等無不捨故八九與十皆巧慧施此迴向巧治一過故一觀諸行性不堅牢治於當果有爲見勝功德二由具大悲治於二乘趣證無爲故行不住道而向菩提九益生施常以財法施之

成三

故名不捨十忘相成度然其十度皆有三輪而義有小異如瑜伽說此上十施皆通三施二十戒者前三律儀七十攝生餘皆攝善又四即廣博戒五迴向戒上二皆一切種戒六持微細故即難行戒七令他悔除即善士戒

八軌則具足所攝受戒一切惡止善行故九  
求出離戒上二即清淨戒十令他得一世樂  
戒三十忍者初三耐怨害忍忍他三業惱害  
故次三安受苦忍初後忍不稱情中一忍身  
黃以濟物後二諦察法忍七八通後二忍又  
四難行忍於下能忍恕不逮故五亡身濟難  
六忍已順他皆遂求忍餘如前判四十精進  
中二與第十是饒益有情五是被甲餘皆攝  
善又初三三業即精進自體四離染法五引  
白法上二一切門精進六無所棄捨及無所

退減七無下劣八無顛倒及勤勇加行上三  
即善士精進九平等相應即一切種精進上  
皆自分十即勝進迴向菩提清淨精進五十  
禪中初五方便次一正定堅成次二發慧斷  
惑上八現法樂住禪九利益衆生禪十引生  
功德禪又五六奢摩他品七毗鉢舍那品上  
威三三一切種禪八無愛珠及慈悲俱行故不捨  
欲界並善士禪九雖發通明而利衆生十能  
速入佛境皆難行禪六有十慧初三解法即  
加行慧次四攝生即後得慧後三證理即正

體慧又前五於所知如實通達慧六於五明處及三聚中決定善巧慧七知能引義利慧謂同佛差別智故非凡小所知上皆一切慧八難行慧達深無我於境無礙故九具教具行慧十具證智慧上二即善士慧餘義如十行品所引第二四門明四等者六度多明自利四等多約利他然四等於境有別已見十地全文從通但約於樂等以爲顯別今初明慈前八衆生緣九十文顯然瑜伽四十四三緣之中初共外道次共二乘後方不共此中

三緣皆不共凡小如文思之二有十悲前七衆生緣次一法緣後二無緣於中初傷其真隱故爲顯後念彼不知故令悟三有十喜初四衆生緣次三法緣後三無緣四有十捨文列十一晉本初二但合爲一於中初四衆生緣次六法緣後一無緣上明行體竟第二十義下八門明造修方便行於中前五門明自分行後三門明勝進行前中初二明法義次二說福智後一顯圓足今初以彼法義成行故若以能詮爲法則以所詮爲義今此不取

能詮爲法然法約自體義是所以法總義別  
餘如九地四無礙中辨今初十義一以修行  
爲多聞之義意在於修不在聞故淨名亦云  
多聞是道場如聞行故二思爲法家之義餘  
威三  
倣此知法即事法餘八理法理法所以在於

證入二有十法法有二義一持自性二軌生  
物解今此前七通二八九唯自性後一唯軌  
生烏波提者此云有苦即二乘涅槃佛性論  
第二說二乘無餘尚有三餘一無明住地惑  
二無漏業三變易苦故非真無餘今以涅槃

爲安樂義略舉有苦故應捨之軌令衆生不  
應修此第二門明福智者福智即道成福  
智緣名助道具如云三寶不斷是福勸衆生  
發爲緣等又具二莊嚴方爲正道偏語皆助  
斯則福智即助道具又以正道福智相絕故  
故文中說法布施皆即是福非福緣故今初  
福德中二順迴向因士不雜小善迴向於果  
餘可知二智慧具中一外近善緣二內調法  
器三念慧安處六念自持六和衆法並見上  
文六堅順位本業上卷以三賢十聖等妙二

覺爲六謂信堅法堅修堅德堅頂堅覺堅亦名六忍謂信法修正無垢一切智復名六慧謂聞思修無相照寂寂照復名六觀謂住行向地無相一切種智即亦六性威三十三謂習種性等一切諸佛無不入此故常隨順十種智者謂法智比智他心智世智四諦智盡智無生智若開如實異前則有十一智今以如實貫上故但說十如智論二十六辨由念成智故爲方便四法樂怡神五真寶修行六自他雙淨言三覺者欲恚害也七徧觀法性界如毒蛇

者淨名涅槃皆以四大爲毒蛇性違害故今居蘊入之中義當十八界以四大即內界故俱舍云大種謂四界今取總中別義亦可十八界皆不可執取處如空聚者中無人故並如涅槃二十三說八深解二空無心已下明其法空九止觀雙遊於中先總修止觀後心意下雙釋二門先釋止欲取我相爲我想正計爲我業正損法身爲瘡疣餘過未滅爲瘢痕能所忍寂故無來去後觀一切下釋觀說雖先後運在一時十修集種智謂見法從緣

則知國由心現國由心現故有而即空空爲法性萬法由生見法性源是真智慧皆離妄垢並云清淨五重積集一切智圓第三明足者總顯圓足惑闇斯亡智解斯顯故稱爲明足有二義一智圓備故二有進趣故其猶脚

足斯即十號明行足義果稱圓足因爲脚足又準涅槃十八以明爲果所謂菩提以行爲足謂戒定等廣如彼說此居等覺義通二足望脚足義此門亦得名爲勝進十中前七約行後三別舉三明自分行竟第二有十種求

法下三門明勝進行一更求法要二得已明了三如說修行今初依此成行故一始心唯直二中後無懈三內不顧身四外亡名利五雙圓二利六得意亡言七果不近求八因酬所爲九普決疑惑十唯滿佛衆離此十求皆

威三

十四

邪求也二明了法者得不照達求之何用總以善賢勝智了知三乘凡聖差別一是凡夫若童稚蒙昧未能出世故隨世俗長四善根二謂鈍根隨信他言而行道故名隨信行三是利根由自披閱契經等法而行道故名隨

法行然今既云覺法自性等即知十中前九亦兼舍大是以智論明有三乘共十地法此上二人約根分異四第八人者即初果向又俱舍賢聖品中疏云第八人者謂苦法忍八忍之中從後數之爲第八故又智論中有八人地若約超斷容具二三果向謂具修道惑及斷一至五皆初果向斷次三向二斷九乃至八地惑盡至苦法忍即爲第三向也五初果法斷衆結者謂三正三隨已如十地亦可見所斷惑八十八使名爲衆結由見諦理斷

無明漏無明是生死根本名生死漏六一來果觀欲味過患已斷六品雖三品惑能潤一生故一往來而知無往來也七不還果斷九品盡故不還欲界乃至八地惑皆斷故總云不樂三界八無學果八解脫者一內有色觀外色解脫二內無色觀外色解脫三淨解脫初二如次依初二禪三依四禪次四無色爲四解脫八即滅受想解脫餘義已見上文廣如諸論九十可知三修行法者如說修行方得佛法故常爲諸天者爲字去聲故晉經云

覺悟諸天餘並可知上來造修行竟第三有十魔下十門明離障行分二前五門明離障成行後五門明離障加持前中分三初二門明所離障體次一門明離障方便後二門顯見佛成行前中初顯魔體後辨魔因今初十

魔能障道故一蘊魔者身爲道器體與佛同  
即是魔蘊魔之名特由取著下九例爾皆  
以下句釋成魔義是知以心分別萬法皆魔  
何但此十故舉菩提法智以勝況劣不以心  
分別一切皆佛豈捨魔界求佛界耶然四魔

直就體明十魔多約執取十表無盡故與四  
不同若欲攝者除三同外皆煩惱攝法即所  
證智是能證能所冥合故名菩提若不捨於  
分別菩提之見即是魔矣餘文自顯二有十  
魔業者行此十事皆能訛善亦招天魔故爲  
其業十中一由忘行本令所修善感生死果  
不至菩提故是其業二於蔽度不平等故於  
中初二蔽俱行度後四嫌棄有蔽之人文影  
略耳夫真道者不施不懼不戒不犯不忍不  
恚不進不怠不定不亂不智不愚嫌他不忍

忍度豈成他皆倣此又悲化惡故況惡爲善  
資不愛其資是大迷也餘八易知然觀此文  
難免魔業願諸後學審此省躬第二捨魔業  
即離障方便對障修治故云捨離然此十句  
敵對反前但略而不次耳一反第五二反第  
成三二三反第七四反第一五反第四六反第八  
七反第三八反第九救護彼故九反第十若  
得佛加蔽惡息故十反第六同一善根豈求  
惡故然復欲顯隨其一善總反前十或以多  
善共反前一今不定孰故不次耳第三二門

顯見佛成行由障離故果現行成於中先見  
佛後成行今初即是果現此中所見即前十  
佛亦是八地十身十身與此名小不同已如  
前會然此中明見皆稱彼佛而見如云無著  
自屬正覺非謂菩薩於彼不著若菩薩於此  
不著下九豈當著耶是知皆就所見明見亦  
不得半就所見半約能見一無著者安住世  
間故不著涅槃成正覺故不著生死乘無住  
道示成正覺故名無著稱此而見是見正覺  
他皆準此又無邪慧而不離故云無著無正

德而不圓故云正覺則佛見影略此即總句  
下九皆此別義二乘願出生故上文云佛願  
力故無不現又乘此願能生一切德故三報  
即相好莊嚴身業即萬行之因而深信爲首  
威三  
云深信見故下善財云一切諸佛從信心起  
十七  
亦能令見者信故四隨順衆生住持舍利等  
故又隨順衆生以圓音周徧三世持佛法故  
五涅槃即是化身化身示滅故名涅槃深入  
見者深入涅槃故能示滅深入生死故示滅  
非真六法身充滿於法界故法界爲佛體故

七湛然安住真唯識性是佛心故八寂然無  
依心言路絕即三昧義觸類皆然故三昧無  
量九平等性智了本性故本覺真性性本了  
故十隨自他意無身不受故依上十見則真  
見佛既知十佛總別六相圓融則亦十見無  
有障礙又此十種攝爲五對一所出能出對  
二正報住持對三真常普徧對四內住外寂  
對五體深用廣對如文思之上十佛十身類  
此成對又此十見各有十種並如不思議法  
等品二有十種佛業即是成行前見佛體今

辨佛因又行順佛行故名佛業佛以利生為事業故十中初總餘別又總別合為五對一覺道夢化對二開經淨戒對犯戒疑惑故為彼纏令其懺除故名出離戒有多種出離亦多總相言之不過二種一事二理事隨輕重篇聚悔除理觀性空是真奉律若具二者罪無不離又如瑜伽九十九有五惡作即是悔纏一謂作是思惟後定自責二諸天呵責三大師同行責四惡名流布五死墮惡趣亦有五相能除此惡作謂佛許還淨故由無知等

我已滅故當來無犯意我已生故已於同梵行悔故佛說悔除為善哉惡作相續以為蓋故餘如淨名第一及隨好品辨三現相說法對於現相中由如來相從六度生故除六蔽見此殊勝不希二乘觀慈善根決知尊勝住心佛境自失威光故無害等四降魔護小對五悲攝雙行對雙行中有十一句初一總明無作四諦不驚怖者妄惑本無今有故應驚妄苦逼害身心故應怖今皆了本寂即同滅<sup>威二</sup>理故不驚怖雖了本寂而修福智為能治道

餘十一句別中初一約苦次一約集次八約道後一約滅文並可知第二有十慢下五門明難障加持行中二初二門內成難障行後三門外得加持行前中初門舉障後門顯治今初慢者恃已於他高舉爲性能障不慢生苦爲業然經論中說多差別且明七慢俱舍論十九云一慢二過慢三慢過慢四我慢五增上慢六卑慢七邪慢今文開十四五與九具有其名餘七但有其義前三即慢但約有高心故故彼論云一慢者謂於他劣謂己勝

於他等謂己等雖能稱境以心高舉詭名爲慢初一輕人次二慢法四中自高陵物是於他等謂己勝即當過慢過前慢故五即慢過慢今言過過者過前慢故有德應讚即於他勝見讚不喜是謂己勝應合讚我故六即邪慢謂於無德謂已有德故名邪慢成就惡行名爲無德恃惡高舉名之爲慢自起誹謗即惡行故七即卑慢者舊有德即是彼多分勝不應執事即謂己小劣何得事他八亦邪慢起惡行故九即我慢我慢所吞故十即增上

慢新善未起即是未得不應諍而諍即是謂慢故其但以曾發下準梵本應迴安於百千劫前深坑之下彼梵本從消滅下云不應說而說言多闡諍發起怨嫌數行此法應墮大坑然以曾集菩提心力得受豪貴自在之力於百千劫尚不見佛何況聞法晉及度世大意皆同梵本若但依今釋當墮深坑語其慢過終自醒悟明非長沒若約八慢前三皆是惰慢亦名懶慢皆於尊境不肯禮敬故餘如別說二若諸菩薩下有十種智業顯對治行

謂既識障惑不令增長制情從理敬重法行故名智業文中初結前生後文通兩段後何等下正顯並是智之作用故名爲業第二魔攝持下三門辨外加持行分二此門所離障後二門能治行今初即怨障加持由內行乖理外魔得便名爲攝持又行乖理即是魔攝初二心怠志陁次二行少解滯次二捨願趣斷次二成小捨大後二捨悲謗法第二佛所攝下二門明能治行由離於邪自然合正於中先佛後法今初先結前生後後何等下正

說文顯可知二法攝中前四即四法印次二總別緣生次二大小後二智斷上辨因圓究竟訖第二住兜率下十九門明果用圓滿行多約八相顯果用者明是普賢大用之果不就淨土實報處說又顯實報不可說故又顯

成三二十

八相通因果故長分爲十初一門住天次一門示沒三一門入胎四一門住胎五三門初生六二門在家七二門出家八五門成道九二門轉法輪十有一門入涅槃初之二門合屬第三即是八相今初欲說下生先明在天

所作一化欲天二化色天三化大千四同類共談五爲同類說六善巧降魔七樂音說法八詣佛聞法九供養多佛十多身益生第二時至示沒名將下生大乘方便經下卷云菩薩如其本願處兜率天宮能得菩提轉于法輪非爲不能菩薩思惟閻浮提人不能至此兜率天上聽受法教兜率天人能下閻浮提故下生一廣拔衆苦二徧警有緣三嚴刹揀非四覺諸道從五密召侍衛六先告當機七令輔翼知八淨所生處九長延天壽十廣現

難思已下入第  
五十九經第三正明入胎十事如有問  
言於四生中化生爲上佛爲最勝何故胎生  
諸經論中多用初緣以通此問今明具十以  
表無盡一化劣解此通凡小二攝眷屬化生  
設有父母等恩養少故三三時無亂出時無  
成三  
亂在後初生故俱舍世品明輪王唯入無亂  
緣覺兼住唯佛三時無亂以福智俱勝故瑜  
伽同此上之三緣小教亦說次下四事兼於  
權大四演法益物五乘願化生六破胎生慢  
誰能於佛恃種族耶七胎障不隔故令大心

同覩後之三緣唯實教有八同類共集說智  
慧藏爲胎藏故九定力現嚴以離垢藏爲胎  
藏故十興供聞法以法界藏爲胎藏故此一  
是總八九即法界別義法界寂然是離垢義  
寂而常照是智慧義又前二是能證後一所  
證能所冥合諸佛生故又前二不壞小而廣  
容後一不動此而普偏如是自在是佛生故  
第四微細趣即明住胎十事初一通現地位  
次八明現七相以處胎爲能現故童子屬處  
宮相故後一總結多門並一相中同時齊現

深密難知故名微細第五十種生下三門明初生相今初正辨即右脇生時初一即出時無亂後一動利益生中八可知二現微笑在行七步時故瑞應經云菩薩示生即行七步一手指天一手指地天上天下唯我爲尊即自誓也初三自慶次六慶能偏益羣品謂四無智自憍我能摧故五昔善今退我能續故六能爲衆生良福田故七見生聞教益不虛故八傷諸同行不成佛故九愍諸同會滯凡地故後一得佛加故三行七步謂初生在地

十方各行七步顯自在希奇故七數過三名過三界隨所履地皆現金剛餘並可知第六童子地下二門明在家同俗行並處王宮相童子已在王宮但此門明幼懷德藝顯是超絕後門貴極無染以彰德高今初八云令樂法者幼而梵行德業殊倫後見道成必樂其威三法餘九可知二正明處宮十中一化同行同行處宮故如瞿波四濁世欣貴故餘八可知第七出家下二門明捨家期道行初明出家後顯修行今初雖能深宮入道而出家者示

斯十意初二令厭捨苦果次二欣揚勝道次二令離利鉢集著常見者貴常爲貴故不出家著斷見者身滅無餘何須出家既非常斷明可修進云離二邊又非苦樂等次二顯界家繫滅後二顯得果同因二示苦行者行有苦樂而偏苦者有斯十意一爲小乘要謂勤苦方得道故二示同異道摧邪見故謂六年自餓無道後受乳麋方得顯餓非真三一言罵佛六載受飢故緣如大乘方便經第二四五濁衆生皆有重罪憂惱覆心不能得道今

彼念言謗佛尚得解脫況我等耶即悔除故亦如彼說五策懈怠衆生故六令知爲法忘飢故七示著樂非道故八始末精勤故九準晉經云欲令未來衆生發精進故今精進之言合在前句缺斯一句十苦行待機者顯悲深故第八詣道場下五門道成證入行即分爲五一明進趣所安即從苦行所向於道樹顯捨邪趣正故因圓趣果故行行後邊故十句可知二正坐道場明白力安處初四嚴處次三三業現相觀師子座者知將說故晉經

云觀一切佛師子之吼後三成德一滿自能證明智顯惑亡二受佛所處將契同法界三大悲同體故能徧加三有十奇特者明外感希奇大果先兆故四降魔者正覺將顯先摧邪故皆言示者久已降故魔王多是大菩薩

故無有惡魔能惱佛故亦如野干豈能於師子前以振威勢大乘方便經下卷云若非佛力召來彼等惡魔豈得近佛魔爲欲界尊勝勝降伏餘故十中一示以德諍二破魔佛誰愈三波旬兵衆滿三十六由旬圍菩提樹欲

現前前之二門當無間道此當解脫道更前二門即方便道今此十中初一障無不寂次二因無不圓次二果無不滿次三德無不普後二佛無不同故結名如來也第九轉大法輪下二門明轉法輪道成機熟開甘露門故

於中初門所轉法輪體用後門明轉法輪因緣前中流演圓通目之爲輪自我之彼名之爲轉小乘以眼智明覺四行繫於四諦今顯無盡十行應繫十諦以成百行餘如法輪章說十中初二能轉備圓次二所轉深妙次二或三生信拔告次二因深量廣後二時遠益高二種白淨法十事即法輪因白淨法者即所轉輪體謂佛無漏清淨法界轉入衆生心中成聞薰種子故名爲種說應時機言不虛發還生無漏聖智故無空過故擇論中多聞薰習

從最清淨法界等流生無漏現行是此義也亦即前章無礙解脫所以能種此種者有十事故初一宿因餘皆現因於中前六德具後三用勝前中二三悲具一內持二外攝次四智具即四悉檀一爲人所樂不同故二第一義應時令悟故三對治隨病所宜故四世界了世而順故第十涅槃謂應盡還源有斯十意初二明生死過患一無常故二無樂故云非安隱三明涅槃是樂翻上無樂以涅槃寂滅爲真樂故四翻色身無常法身爲常故故

晉經云令求常住淨法身故今缺常字以法  
身是三德之一性出自古體無變異偏語其  
常今已出纏故名爲淨次三句明生死無我  
不自在故一期無常不自在故云不可轉

成三

廿五

即分段不能堅住亦非自在八明涅槃是堅

即自在我亦兼常義九翻有爲以明淨德不  
淨者即有爲法故言聚散淨者諸佛菩薩正  
法名無生起然是性淨涅槃隨緣生死即相  
之性方爲正法然涅槃第二翻破凡小四德

通諸佛法故以如來爲我此正顯涅槃故亦  
就涅槃明我餘並相順然常等四德雖徧通  
佛法從其別義各顯不同上以四藥翻枯具  
遣八倒十明法爾諸佛常規上來說分竟大  
文第七從佛子此法門下結勸修學分於中  
二一結義勸修二佛子此一切菩薩下結名  
勸學前中亦二初舉名結義後佛子若有下  
勸信修行二結名勸學中先顯十名初一約  
能詮依此生行故名爲處前約所詮行體但  
云清淨行餘九約所詮功能立稱二決彼行

義定能感果故三證所證故四能證分明故五有智超勝故六悲興萬行故七一一圓融故八軌則具足故九即理涉事故十即事而真故後應尊重下勸學可知大文第八從說此下現瑞分可知大文第九爾時十方下證成分於中二先讚法證後佛子汝已下數人證大文第十爾時普賢下偈頌分總有二百一十五頌半分三初有八偈七言歎德深廣明說分齊二其心下百三十一頌半總示行德略顯深廣上二並是伽陀三從依於佛智

下七十六偈頌前長行方是祇夜今初分四初四許說廣深次二舉德誠聽次一重總許說後一示說分齊第二總示行德中分三初二頌略標法喻二五十五頌半託事表法以明深廣三從菩薩等於佛下七十四頌即法明行以彰廣大初標可知二託事表法中總五十喻難以區分今類例相從且分爲十初四偈半二喻明悅物覆蔭行二師子下十偈摧邪導<sup>威三</sup>行師子吼義法界初說三有十一<sup>其六</sup>偈明高深堅密行四迦樓羅下六偈觀機照

益行五有六偈自在統御行六智慧心下二偈包含無染行七二偈周徧成益行八如珍寶下六偈檢束修身行九二偈調御運載行十優曇華下六偈外用遊處行第三即法明行中二初十偈總明深廣許說誠聽後一身能示現下六十四頌別明深廣以酬前許前中三初三上同佛覽次三下超羣品後四許說誠聽第二別明深廣中來爲十行初六偈三業深廣行二菩薩身下五頌二嚴無礙行三有三頌逆順成滿行四或現行成滿下十

頌普門示現行五四頌時處圓融行六菩薩知下六頌知根說法行七四頌寂用迅疾行八譬如工幻下十偈悲不失智行九有十四偈智不失悲行謂末後二句不失悲前皆智德圓滿十有二偈結德無盡行第三頌長行中二初有三十九偈頌前說分後雖令下三十七偈頌結勸修學分今初頌前六位即爲六段初四偈頌十信位中行二有四偈頌十住行三有六偈頌十行四有五偈頌迴向行五九頌半頌十地行六有十頌半頌因圓果

滿行其初所行二字義屬前段第二頌結勸修學中然小異前勢分之爲四初一偈結前所說爲少二有三十偈別顯德用廣深三有

四偈總結深廣四有二偈結勸修行二中分

二前二十一頌半結約法顯行後八頌半結

託事顯法今初分五初五於刹自在行二有六頌三業自在行三迺去下三頌明三世間自在行四有五頌明身智自在行五有二偈半總結難測後結託事顯法中或前來所無或事同義異並可意得第三總結深廣中前

二結前已說後二結末說難窮第四結勸修行可知離世間品竟

大方廣佛華嚴經疏卷第五十三